



Broj: 16-12-16-2365-*9* /18
I. Sarajevo, *07-05* 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2018. godini, broj 16-12-16-2365/18 od 27.04.2018. godine, u postupku javne nabavke usluge servisiranja sistema grijanja i klime za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku usluge servisiranja sistema grijanja i klime za potrebe Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2018. godini broj 16-12-16-2365/18 od 27.04.2018. godine i okvirni sporazum za period od dvije godine u postupku javne nabavke usluge servisiranja sistema grijanja i klime za potrebe Državne agencije za istrage i zaštitu dodjeljuje se ponuđaču „ALFA THERM“ d.o.o. Mostar, ponuda broj 16-12-16-2365-7/18 od 16.04.2018. godine, za ponuđenu cijenu 36.142,00 KM bez PDV-a.

Član 2.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-2356-1/18 od 27.03.2018. godine, pokrenut je postupak javne nabavke usluge servisiranja sistema grijanja i klime za potrebe Državne agencije za istrage i zaštitu (u daljem tekstu: Agencija) za period od dvije godine putem Konkurentskog zahtjeva, za koji je obavještenje o javnoj nabavci broj 1161-7-2-146-3-31/18 objavljeno 03.04.2018. godine na Portalu Agencije za javne nabavke. Procijenjena vrijednost javne nabavke je 33.850,00 KM bez PDV-a, a za što su novčana sredstva obezbjeđena u okviru budžetskih sredstava za 2018. godinu i Dokumenta okvirnog budžeta 2018.-2020. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Komisija I za nabavke za potrebe Agencije u 2018. godini (u daljem tekstu: Komisija) dostavila je Izvještaj o radu broj 16-12-16-2365/18 od 27.04.2018. godine sa preporukom o izboru najpovoljnijeg ponuđača u postupku javne nabavke usluge servisiranja sistema grijanja i klime za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 16.04.2018. godine do 13,00 sati, te da se ponude dostavljaju u zatvorenoj koverti, Komisija je dana 16.04.2018. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene dvije ponude i to:

Redni broj.	Naziv ponuđača	Vrijednost ponude (bez PDV-a)
1.	„SES“ d.o.o. Sarajevo	39.940,00 KM
2.	„ALFA THERM“ d.o.o. Mostar	36.142,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja njihove prihvatljivosti u smislu Pravilnika, te kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđač „ALFA THERM“ d.o.o. Mostar ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničke i profesionalne sposobnosti, kao i formalno-pravne uslove iz Konkurentskog zahtjeva, te da uživa preferencijalni tretman domaćeg.

Također, Komisija je utvrdila da ponuđač „SES“ d.o.o. Sarajevo ne ispunjava uslov iz tačke 3.1.4. pod c) Konkurentskog zahtjeva - Tehnička i profesionalna sposobnost iz člana 50. Zakona. Naime, tačkom 3.1.4. pod c) Konkurentskog zahtjeva između ostalog traženo je da se kao dokaz ispunjavanja Tehničke i profesionalne sposobnosti dostavi izjava ponuđača da posjeduje certifikat ili potvrdu proizvođača opreme marke: „York“, „Emerson“ i „Proklima“, te izjava ponuđača da je ovlašteni serviser za većinski dio opreme koja je predmet nabavke i servisa. Uvidom u sadržaj ponude ponuđača „SES“ d.o.o. Sarajevo, Komisija je utvrdila da je dostavio izjavu da je ovlašteni distributer i serviser klima uređaja marke „Emerson“ i „LG“, te da posjeduje cerifikate o istom, dok nije dostavio izjavu da posjeduje certifikat ili potvrdu proizvođača opreme marke: „York“ i „Proklima, te izjavu da je ovlašteni serviser za većinski dio opreme koja je predmet nabavke i servisa. Osim navedenog Komisija je utvrdila da ponuđač „SES“ d.o.o. Sarajevo ne ispunjava formalno-pravni uslov iz tačke 4. Konkurentskog zahtjeva. Naime u tački 4. Konkurentskog zahtjeva navedeno je da ponuda, svi dokumenti i prepiska u vezi sa ponudom između ponuđača i ugovornog organa moraju biti napisani na

jednom od službenih jezika u Bosni i Hercegovini, te da prateća dokumentacija i štampana literatura koju dostavi ponuđač mogu biti napisani na drugom jeziku u međunarodnoj upotrebi, ali uz uslov da se uz njih dostavi zvaničan prevod relevantnih dijelova na jezik na kojem je napisana ponuda. Uvidom u ponudu ponuđača „SES“ d.o.o. Sarajevo, Komisija je konstatovala da je navedeni ponuđač dostavio certifikate servisera koji nisu prevedeni na jedan od službenih jezika u Bosni i Hercegovini, odnosno nije dostavio zvanični prijevod relevantnih dijelova certifikata na jeziku na kojem je napisana ponuda. Uzimajući u obzir navedeno, Komisija nije dalje razmatrala niti vrednovala ponudu ponuđača „SES“ d.o.o. Sarajevo.

Konkurentskim zahtjevom je bilo predviđeno da se za navedeni postupak javne nabavke usluge servisiranja sistema grijanja i klime Agencije provodi e-aukcija. Odredbom člana 3. stav (3) Pravilnika, propisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa odredbom člana 69. Zakona. Obzirom da je primljena jedna prihvatljiva ponuda, to u smislu Pravilnika e-aukcija nije zakazana, nego je postupak okončan u skladu sa članom 69. Zakona.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 9. Konkurentskog zahtjeva, te je sačinila rang listu, kako slijedi:

Redni broj	Naziv ponuđača	Vrijednost ponude (bez PDV-a)
1.	„ALFA THERM“ d.o.o. Mostar	36.142,00 KM

Nakon sačinjavanja rang liste ocijenjene ponude Komisija je konstatovala da ukupna ponuda ponuđača „ALFA THERM“ d.o.o. Mostar u iznosu od 36.142,00 KM bez PDV-a, premašuje procijenjenu vrijednost javne nabavke za cca. 6,77 %.

Komisija je aktom broj 16-12-16-2365/18 od 24.04.2018. godine od strane Sektora za materijalno-finansijske poslove, tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove aktom broj 16-12-16-2365/17 od 25.04.2018. godine, dostavio je Komisiji informaciju da je u budžetu Agencije za 2018. godinu, moguće obezbijediti dodatna novčana sredstva za realizaciju predmetne nabavke.

Nakon provedenog postupka ocjenjivanja dostavljene ponude, uvažavajući mišljenje Sektora za materijalno-finansijske poslove, Komisija je utvrdila da je ponuda ponuđača „ALFA THERM“ d.o.o. Mostar ocijenjena kao najpovoljnija.

Shodno navedenom, prihvaćen je prijedlog Komisije i odlučeno da se okvirni sporazum u postupku javne nabavke usluge servisiranja sistema grijanja i klime Agencije dodijeli ponuđaču „ALFA THERM“ d.o.o. Mostar, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču 2x;
- Sektoru za mat.-fin. poslove;
- a/a.

